

## *Ke de mla Mucherangel el Rokui*

*Mlara Elder Jeffrey R. Holland*

*Ra Chelechad er a Teruich ma Terung el Apostol*

Rodam, ng reng ra klodam, eng soak el di bleketakl el mengedecheduch er chelechal kesus. A uldimukl er tial bleketakl cheldecheduch a re mekekerei el sechal ra Aaronic Priesthood.

Sel dosaod er sel klebekelel a Kot el Ues ra Joseph Smith, ea lebebil e kede metengetii a demedakt er ngii el mekngit el dilubech el mlornngii ra uchei ra ues. Mekngit el dilubech el moktek a mo melemall er a kekerei el sechal a bol sebechel engdi ngbai mlo merrob er a ocholt el kirel merael mei. Ng diak dosaod ra cherarou, ker di mesaod er ngii alsekum meng kmal kired, ng diak el soak el mesaod er ngii, engdi a dilubech el tekoi el mora kekerei el Joseph a mekletkid er a ikel kirel a bek el chad, el molmuut ra rebek el mekekerei el sechal, el ngartial ongdibel el kirir el mo melbedebek.

A kot, a Diablong malechub eng Lucifer malechub eng Edam ra Blulak---sel soam omomekedong er ngii---a merang, ngii el rokir el olechotel a mekngit. A moktek er ngii ra rokui a di mekngit, e ngii omritel a leborngii a olsobel el llomes, er sel uldasou ra klemerang. Ongerung, ngii a kot lomtok er a diak a ulebengelel el beltik el reng ra Dios, Tngakireng ra Jesus Kristo, ma ureor ra budech ma osobel. Ng mo okeuad el kirel aikang ra ngii di leker el mor sel sebechel. Ng medengei el kmo ng mo mechitechut e mo mechoit ra ulebongel, eng di ngii a blak a rengul el melai ra rebetok el mo obengkel lokiu a tkur rebab el sebechel.

Me ngera bebil er a teletael lousbech a diablong er tial klausichai el melai er a diak a ulebengelel klengar? Sel teletael dilubech ra Sacred Grove a osisechekill. A Joseph a milluches ra rekord el kmo ngokiu a blak el reng el mo merrob aikel morngii, ea Diablong a milskak “a mechas a rengud er ngii el klisiichel er ngak el mlo somesemii churak mak mlo diak el sebechek el mengedecheduch.”<sup>1</sup>

Diablong a diak el sebechel el melemalt el nguu a klengar. Tia chimong ra betok el tekoi el diak el sebechel rulii. Eng di a blak el reng er ngii el merrob ra ureor a mo uchul eng mo sebechel alsekum meng sebechel somesemii chural a roumerang. Rodam, alsekum tiang a teletael, ea kusiik er a mekekerei el chad ma meklou el oumerang er tial klakouad er a delongelel a ungil ma mekngit el me lmuches a ngklir e mengedecheduch. Kid a ngara mekemad, e chelechal mei el sesei el bung, eng soak el mo chimol chad el blil olsiseb ra rechad.

Ngak a kuusbech el mengitakl ra “Kid El Rokui El Mla Soiseb”? Ke medengei, sel ngara

chelitakl el kirel a “A ki mengiil er a resoldau; ng techa mo olngeseu?”<sup>2</sup> Adang, a ungil er tiang el okedong el mo oumekemad a diak kim molai er a rolngeseu el mo omoes a boes malechub e tometech a dub. Ngdiak, ng soad a resoldau el mo ngmai a dongu ra mekemad a “rokui el tekoi el tuobed er a ngerel a Dios.”<sup>3</sup> Ma kusiik er a remisionari er chelechal kebesengei el diak el dil tir el llemechet a churir te bai mong, el oba Reng ra Rubak ma klisiich ra priesthood, el mok a ngerir e melekoi ongasireng. A ua tiang el cheldecheduch, el tirkal rodam ra uchelel a millekoi, a mo okiu a klaumerang “ea meklou el ureor a mla meruul, e mo meruul.”<sup>4</sup>

Ng kmal soak lolengit ra remekereki el sechal ra Aaronic Priesthood el mo ungil dengchokl el mele malt e lomtab. A morkemiu, eak mo meskemiu a cheldecheduch ra klekool. Tiang a a klengar-ma-kodall el klausichai el kid omtok ra erarou el chetil kau e chetil tial ureor, mechelechang eak mo telkib el ngar medam, isnged el mora isnged, e lobengkel a ungil a idisel ngau ra tekingek el mo durur a telkib el engedel a medam---el ua loruul a coach sel sekum a teng a kaiuekeed ea mo kats a ngmai a rokui. Ma klekool a ngarngii ea lolekoi er ngii a coach lekor kau a kmo, a obo mousekool er tial klekool, ea bebil er kemiu a kirir el muut el mo klikiid er chelechal om ngartiang. Ngar tial klakeuad ra delongelel a ungil ma mekngit, eng diak el sebechem lousekool el mora cherrarou sel bek el taem el lemei ongetikaik, e momdasu el kuk oubail e mora Osobel ra templo ma mision el oleko ngdimlak a ngera el duubech. Tiang, e mekekereki el sechelik, a diak el sebechem el rulii. A Dios a diak el bol motuub.

Me tiakid a meringel tekoi, er kau me ngak. Ngarngii a betok el dart el telael el Aaronic Priesthood---a rekrir a memekereki el sechal el ngara rekord ra Ikelesia el mekdebechii tial chelechal el sebechir el mo mesiou el misionari. Eng di a meringel el soadel er ngii a kirir a re deacon, resensei, ma re priest el di blechoel el mo mesisiich e klikiid mel bol moterkokl el elders e mesiou el misionari. Meke de ousbech ra remekereki el sechal el di mla ngartial chelechal mel *medechel* ngarngii e merkom terob aikal di omduu el tuobed ra kerbai mesel dousbech er kau el mousekool e msiseb el blak a rengum el ousekool! Meng ngara betok el klausichai ra klekool, el kudengei eng ngarngii a kerbai el lluches el ngara ulaod malechub eng chutem el kirel a rokui el ousekool el ousichai ra chelsel, e ungil le Rubak a mla lmuches a kerbai er a klikiid el mortirkel mokedong el mo ureor lobengkel er tial ureor. Ng diak a tal missionari el meringel el mo ouchel a kngtil ra sius malechub eng deleboes lomeruul e mengerechir el mo melasem ra rebebil el mo ouuchel a kngterir er a osisiu el omeruul! Ng diak el sebechem el kudmeklii. A Chedaol Reng a mo diak lobengkem ea tekoi a mo rongedii omerkollam sel bo molekoi. Ng diak el sebechemiu el merael ra lomekedong er ngii a Lehi el kmo “ngdiak de borngii el rael”<sup>5</sup> e omdasou el kmo ngsebechem el omekrael ra rebebil el mora “mele malt e ibutek”<sup>6</sup> ---ng diak el sebechel meruul.

Ng di ngarngii a nger el mor tial omelasem elekor kau e tia kmal di osisiu el mor ngkel

osiik a klemerang el kau a morngii. Kau el kmo ke techang el ngii di el ngerang el blam relii, kau a sebechem el nguu a klausubes. Kemi el bek el mekekerei el sechal a sebechemiu el chemoit el momedechel aikal kngtmiu el bom charm er ngii. Tiang a “ongasireng ra klausubes,” ng ongasireng er a Tngakireng ra Jesus Kristo. Eng di ngdiak el sebechem el rulii alsekum eng diak el blak a rengum ra ebangelio, e diak el sebechem el rulii alsekum ng diak lobengkel a ouuchel reng. Me kulengit er kemi a remekekerei el sechal me bom mesisiich e bom klikiid. Alsekum eng kirel, e a kulengit me *bo* mesisiich e bom klikiid.

Rodam, aki mengedecheduch er kemi el di bleketakl ele a ngiidi el ngerang el diak el siich a diak el oureor. Aki mengedecheduch el bleketakl ele Diablong a meral ngar el ruul el melemall er kau e kau a chelbangel a klisichel omkekerei. Ma ki orkedii a cheri ra bilu e oldiu el sisichemam el mor aikel ki meduch er ngii:

Hark! ngerel a mekemad el dorrenge er ngii el klou e mechellins;  
Mei me mobengterir! Mei me mobengterir!<sup>7</sup>

Kemi el mekekerei el sechelik, ke dousbech ra rebetok ra rteruich el telael el misionari er a buil ma rak el merael mei. Ng kmal kirir el mengai ra klou el basent ra Aaronic Priesthood el tir a mo moterkokl, mesisiich, klikiid, el mo mesiou.

E mortirkel tir a mla mesiou malechub ete mesiou er chelechang, aki oureng a sulii ra klungiaol el bla mruul, ma klengar el bla mrutech. Klengeltengat lekor kau! Aki dirrek el medengei el kmo te ngarngii a sorir ra chesel a klengar re tir el mora mision, eng di secher malechub eng kmo ngerang el merrob er tir, meng diak el sebecherir el mong. Aki chemolt el osus er kemi el rokui. Aki medengei aikal somiu, e oyeng er tial soal a rengmiu. Aki ou beltikereng e chemat er kemi. Kemi a “ngara chelechad” e di merkol ngar tial chelechad, engdi ngdiak bo mosiou e le kom mla tuobed loku a chetengakl. Eng di kemi el bebil aki ousbech er kemi el rokui!

Elechang, e kemi el odam ra Melchizedek Priesthood. Ng diakom klikm e dengchokl el lungil besmiu. Ng dirkak bok merek. Ke dousbech ra rebetok el telael obekel el mora mision ra Ikelesia. A rebek el mision president a olengit er tir. A bek el basio losiou, a robekel a meskid sel keloulechad er a ureor el diak a rteruich a rekrir, altang e te kmal meduch, el sebcherir el remuul.

A mo oldubech ra robekel el mo mesiou, a First Presidency ma Chelechad ra Teruich ma Terung a mla rulii a tara kot el bekururau el omeruul el mla meues ra urerel a remisionari er aikal mla mo merek el okeim el rak. Sera Ongeim el buil er chelechal rak ea roungerachel er a priesthood el ngara ureor a ngiluu a uleklatk el kmo a cheral a blirir a robekel (aki di mesaod ra cheral a blai) a bol olengeseu er ngii a udoud er a misionari ra

Ikelesia alsekum a cheral a mo klou er sel telkael er a bek el buil. Ng meral klou el klengetengat! Tiang a mlo durokl ra babeluades el ngesou el kirir sel di chimol kot el klou el itel a udoud a robekel a elbangel sel ngara mision. A Rodam a dirrek el mla oterkeklii el kmo a mision ra robekel a sebecchel el mo ngara elolem el mo teruich ma erul buil, ma dirrek el sel dimla ngarngii el teruich ma eai el mo luich ma euang. A dirrek el tara kmal lungil el mla mekedmokl el oldubech er tial tekoi, a robekel a sebecchir, el chemoit a di ududir ra bedengir, e mermei el di telkib el taem a le ngarngii a metacherebesul el tekoi ra telungalek. Me merkong e lak dim simbai el kmo komo melengod a chesimer e di mochosisiu a temiu kemiu metirkal teruich ma etiu a rekrir! Ng diak bo kulekoi er kemiu me bomoruul aikang eng di ngarngii a betok el bebil ra tekoi el sebecchemiu el remuul, el obengkel a klou el ilmokl eng sebecchemiu el remuul.

Rodam, kirel a klisichel a bedenged, telungalek, ng tekingel a udoud, ea ki medengei el kmo a bebil er *kemiu* a locha diak el sebeccherir el mong er chelechang malechub a ngar medad. Engdi ngokiu a mekekerei el uldasou ea betok er kemiu a sebecchir.

Rebishop ma re stake president, bo mosaod er tial ulsbechall er a council ma ongidbel er kemiu. Bom dengchokl er medal a miting e bom ngara nglunguuch lomes el mor tial ongidibel el kirel tirkel sebeccherir e kirir el nguu tial okedong. E mongedecheduch lobengterir e bom ngesuterir el sikii a sils el mo mesiou. Rodam, tiang sel ledubech, em du ra rebecchemiu el kmo alsekum meng sebeccherir el mechei a ungil kingellir ma remote ra tv el kmal di mekesai el buil, eng sebeccherir el mechititerir a rengelekir a rengelekir. Tirkal mekekerei lungil ngalek a kmal diak el mekesakl, eak yaksok er kau el kmo kau a mo meruul a tekoi el kirir el ngara omesiou er a Rubak el, beluulechad el diak a ulebengelel, el kau a mo diak el sebecchem el remuul alsekum me kedikiei ra blim e di mengetab er tir. Ngera ungil sengk ra rederir ar delad mar rdemerir ar demad a lebestierir a merael mei el telcheroll el melekoi lokiu a omeruul ma cheldecheduch el, “Ngar tial telungalek eaki mora mision!”

A ureor ra misionari a diak el dil chimol tekoi el doruul er ngii er a chelsel tial klou, lungil Ikelesia. Engdi omesingd el dousbech el meruul a di mo ngara rechad el ma kot el remenges a ebangelio ra Jesus Kristo e mo ngara klaumerang. E tiang a uchul me sel mong me ngulebongel ngerachel el Jesus a milsterir a re Teruich ma Terung sel kot el klou a ultutelel---el “mora el mong, e molisechakl ra rokui el beluu, omesterir a techolbe chelid loba ngklel a Edam, ma Ngalek, ma Chedaol Reng,”<sup>8</sup> E seikid, ng kmal di seikid, eng mo sebecchel a klengeltengat er a ebangelio el mei---kltalreng ra telungalek, prokuram ra rengeasek, yaksok ra priesthood, ma ruoll el ngara templo. Engdi ua Nephi er a louchais a klemerang, ngdiak a dichimong ra ikal tekoi el mei dil merko chimong a “[blal] siseb ra chelsel . . . a rael.”<sup>9</sup> Meng okiu aikal rokui el bo doruul ra rael el mora diak a ulebengelel, ekede ousbech er a rebetok el misionari el mekengii tial rael e olengeseu ra rebebil el mo choeak ngii.

Ngara rokui el chad, kekerei ma klou, el urrekodel ra priesthood, a kulengit ra mesisiich ma blak el reng el ngor, el ngor el diak el dil mesisiich el omtok a mekngit mengkel ngii a outekoi a mekngit, e bai ngor el kirel a ungil, ngor ra evankelio, ngor el kirel a Dios. Rodam ra rokui el rak, mnguu a semesemel uram e momes aikel omdung el mo oureor ongasireng ra klengar er tirkel “tir a diak lodengei a klemerang eleng diak lodengei el kmo temo metik er ngii er ker.”<sup>10</sup>

*Mereched el mo ra mekemad, mereched el mora ked;*

*Klemerang a ulkungam, e mengkerngam.*

*Dechor el kirel a banderang; mesebesek er bab!*

*Aki mui ra deureng, deureng el merael mora rekeblimam.* <sup>11</sup>

Loba ngklel a Jesus Kristo, el Mastang er kid, amen.

Uleklatk

1. Joseph Smith---History 1:15.
2. “We Are All Enlisted,” *Hymns*, number 250.
3. Mesa Doctrine and Covenants 84:44; dirrek el mesa Deuteronomy 8:3; Mateus 4:4.
4. *Lectures on Faith* (1985), 74.
5. 1 Nephi 8:28.
6. 2 Nephi 31:18.
7. *Chelitakl*, number 250.
8. Mateus 28:19.
9. 2 Nephi 33:9.
10. Mesa Doctrine and Covenants 123:12.
11. *Chelitakl*, number 250.